

Transkription von Urkunde HBS 1447a

Ort, Datierung: Halberstadt, 1447-01-16

Signatur: Stadtarchiv Halberstadt, B 03a, (N/980)

Inhalt: Rat der Stadt Halberstadt: Bestätigung einer Gutsverpfändung zur Rentenstiftung

We Borghermester(e) vnd(e) Radman(e) der Stad tho halberstad Beke(n)=/nen vnde betugh(e)n
openbar(e) in dussem breue vn(de) don kunt allen / de one sehn horen oder lesen dat de beschedem(e)
Ke(m)mer(e) watenstidde / itzund vnse medeborgher woynhafftich in der nyen stad mit vnse=/me
wetten willen vnd(e) vulborde syn husz vnd(e) hoff dar he itzund / Jnne woÿnt belegghen in der nyen
stad Jeghen dem hackelstüüen¹ / twischen olden hogreuen vnd(e) Corde Syuerdes vorsat vnd(e)
vor=/pendet hefft vor viff m(a)rk halberstedischer werynghe . den armen / luden vp dem(e) zekhoue
vor vnser stad beleggh(e)n . van dem(e) Re(m)mer / ergna(n)nt de viff m(a)rk vulbestendich
Jnghenomen hefft vn(de) entphan=/ghen vnd(e) vort ghe kart so we von ome vnderwist sin . vnd(e)
ghe=/want in sine vnd(e) syner Sinen nüd vnd(e) vromen , wur om(e) des / nod is ghewesen vnd(e)
behoiff . uppe dusse viff m(a)rk ergnan(te) were / schal vnd(e) wel Re(m)mer ergna(n)nt oder sine
Eruen den armen luden / vp dem(e) zekhoue alle jarlikes gheue(n) tho tynse eyne halue m(a)rk
ergn(a)nter / were . an vptogh vnd(e) vmbeku(m)mert vppe de wynacht(e)n neghest dem / tinse . den
de Rad dar alle Jarlikes an hefft . Ok so schal vnd(e) wel Re(m)=/mer oder sine Eruen dusse hoüed
su(m)men viff m(a)rk halb(e)r(stedischer) were . wed=/der affgheue(n) den armen lud(en) vp dem
zekhoue . vnd(e) also sin Erue losen / vm(m)e dussen neghest volghende viff Jaren Na ghiffit dusses
breues / vnd(e) hefft vns dat also uth toholden(e) gheredet vn(de) ghelouet in guden / truwen an alle
gheüerde dusses to orkunde vnd(e) nicht² meth wissenh(ei)t / hebbe we vnser gnan(ten) Stad witliken
ghedrucket hethen Innenwen=/dich benedden vp dussen breiff . Nach c(risti) ghebord vnser leue(n)
he(re)n /veyrtheynhundert Jar dar na In dem Seuen vnd(e) veyrtighest(e)n Iar(e) / an dem(e)
mandaghe vor Sunte Anthoni(us) daghe des ersten heremiten

¹ Jeghen dem hackelstüüen im Original unterstrichen

² nicht im Original gestrichen